

Գ. Պ. ԲԱՂԴԱՍՍԱՐՅԱՆ

ՆՐԿՐԱՐԱՆԱԿԱՆ ԳՈՐՄԱՑԻԱՆԵՐԻ ԲԱՑԱՐՁԱԿ ՀԱՍԱԿԻ ՈՐՈՇՄԱՆ
ՀԱՆՁՆԱԺՈՂՈՎԻ XIII ՍԵՍԻԱՅԻ ԱՐԴՅՈՒՆՔՆԵՐԻ ՄԱՍԻՆ

Ս/թ նոյեմբերի 1-ից 5-ը Երևանում տեղի ունեցավ Սովետական Միության և մեր Ակադեմիայի կողմից համատեղ հրավիրված համամիութենական 13-րդ սեսիան, որը նվիրված էր ժամանակակից ռադիոերկրաբանության հիմնական պրոբլեմներին:

Ինչպես հայտնի է, երկրաբանության, գիոքիմիայի և միջուկային ֆիզիկայի սահմանագծում ծնունդ առած այս նոր գիտական ուղղության զլխավոր խնդիրն է՝ հիմնվելով լեռնային ապարների մեջ պարունակվող տարբեր ռադիոակտիվ տարրերի քայքայման օրինաչափությունների վրա, որոշել երկրաբանական ֆորմացիաների առաջացման ժամանակը-բացարձակ հասակը, նրանց զոյացման և կազմավորման հաջորդականությունը և այդ պրոցեսների հետ կապված օգտակար հանածոների տեղն ու դիրքը: Ինքնատիքյան հասկանալի է, որ այդ հետազոտությունները տարվում են երկրաբանական ուսումնասիրությունների հետ սերտորեն կապված:

Ժամանակակից ռադիոերկրաբանության և գիոքիմիայի մեթոդների զարգացման մակարդակը հնարավորություններ է ստեղծում գիտական ստույգ հիմքի վրա դնել տեսական և կիրառական երկրաբանության յայն հարցերի խորը ուսումնասիրությունները, սկսած մեր մոլորակի բացարձակ հասակի պրոբլեմից մինչև օգտակար հանածոների որոնման պրոգնոզներին վերաբերվող խնդիրները:

Սեսիայի աշխատանքներին մասնակցեցին Սովետական Միության և Միութենական հանրապետությունների գիտությունների ակադեմիաների, Ատոմային էներգիայի պետական կոմիտեի, Մոսկվայի պետական համալսարանի, Սովետական Միության Երկրաբանական պետական կոմիտեի և ուրիշ, թվով 28 գիտահետազոտական հիմնարկների, երկրաբանության, գեոքիմիայի, ռադիոերկրաբանության, միջուկային ֆիզիկայի, ռադիոքիմիայի շուրջ 150 առաջատար մասնագետներ, դրանց թվում մի շարք անվանի գիտնականներ:

Ի դեպ պետք է նշել, որ ի տարբերություն ռադիոերկրաբանության անցյալ սեսիաների, այս տարվա սեսիայում մեծ մասնակցություն ունեցան երկրաբանական արտադրական 12 կազմակերպությունների շատ ներկայացուցիչներ:

Սեսիայի աշխատանքներին ակտիվ մասնակցություն ունեցան Հունգարիայի, Ռումինիայի, Հնգաստանի, Գերմանական դեմոկրատական ռեսպուբլիկայի Գիտությունների ակադեմիաների ակադեմիկոսներ, թղթակից-անդամներ, պրոֆեսորներ և այլ գիտական աշխատողներ, թվով 12 հոգի, որոնք հրավիրված էին Համամիութենական ակադեմիայի կողմից:

Մեծ հետաքրքրություն ցուցաբերեցին սեսիայի աշխատանքներին Հայկական ՍՍՌ Երկրաբանական վարչության, Պետական համալսարանի, Լենամետալուրգիական ինստիտուտի, ԿԱ Սեյսմիկայի ու գեոֆիզիկայի ինստիտուտի առաջավոր մասնագետները, Երկրաբանական գիտությունների ինստիտուտի դրեթե բոլոր գիտական աշխատողները:

Սեսիայում լսվեց 24 կազմակերպություններից ներկայացված 62 զեկուցումներ, որոնց մեջ ընդգրկվեցին ժամանակակից ռադիոերկրաբանության բարձր մակարդակի վրա տարվող 1963—64 թթ. հետազոտությունների արդյունքները:

Այդ զեկուցումները նվիրված էին՝

ա) Սովետական միության տարբեր ունկնդրների՝ Մեծ ու Փոքր Կովկասների, Միջին Ասիայի, Հեռավոր արևելքի, Ուկրաինայի, Ուրալի և այլն երկրաբանական ֆորմացիաների գեոքրոնոլոգիայի տարբեր պրոբլեմներին:

բ) Ռադիոերկրաբանական մեթոդներով կազմված ՍՍՌՄ առաջին գեոքրոնոլոգիական քարտեզի քննարկմանը: Այդ քարտեզը ընդգրկում է Ուկրաինայի տափաստանային մասը:

գ) ՍՍՌՄ-ի որոշ ունկնդրների մետաղային հանքավայրերի գեոքրոնոլոգիայի տարբեր հարցերին:

դ) Ռադիոերկրաբանության մեթոդական ակտուալ նշանակություն ունեցող հետազոտությունների արդյունքներին:

ե) Մեր մոլորակի հասակի որոշման ուղղությամբ կատարված հետազոտությունների արդյունքներին:

Հայկական ՍՍՌ Գիտությունների ակադեմիայի Երկրաբանական գիտությունների ինստիտուտում տարվող ռադիոերկրաբանական ուսումնասիրությունների 1963—1964 թ. արդյունքների մասին սեսիայում լսվեց և քննարկվեց 6 զեկուցում, նվիրված Հայաստանի գեոքրոնոլոգիայի հիմնական հարցերին և մեթոդական կարևոր նշանակություն ունեցող հետազոտություններին:

Զեկուցումները նվիրված էին Հայաստանի հյուսիսային հանքաքեր շրջանների և Զանգեզուրի ինտրուզիվ զանգվածների գեոքրոնոլոգիական ուսումնասիրությունների նորագույն արդյունքներին, Հայաստանի տարբեր մասերի հրաբխային գոյացումների բացարձակ հասակի որոշման տվյալներին և Հայաստանի ղխավոր մետաղային հանքավայրերի բացարձակ հասակի ուսումնասիրությունների արդյունքներին:

Մյուս երկու զեկուցումները ամփոփում էին վերջերս կատարված ումիդի-ստրոնցիումի և կալիում-արդոնային մեթոդներով հետազոտված զանգվածների համեմատական արդյունքները և այլ կարևոր մեթոդական նշանակություն ունեցող հարցեր:

Սեսիան ծրագրեց երկրաբանական ֆորմացիաների առաջիկա տարիների պրոբլեմների մշակման ուղղությունները ու մեթոդական խնդիրները և ընդունեց 10 կետից բաղկացած հետևյալ որոշումները:

1). 13-րդ սեսիան գոհունակությամբ նշում է, որ ՍՍՌՄ-ում գեոքրոնոլոգիական հետազոտությունները պատշաճ տեղ են գրավել երկրաբանական ուսումնասիրությունների մեջ: Իսկ ցայտուն կերպով ցուցադրվեց մի շարք զեկուցումներում, որոնք նվիրված էին գեոքրոնոլոգիական մեթոդների հասակների որոշման հարցերին: Հատկապես հետաքրքիր տվյալներ են ստացված Հայաստանի երկրաբանների և ռադիոլոգների կողմից: Ուկրաինայի Երկրա-

բանական ինստիտուտի, ՍՍՌՄ-ի ԴԱ Գեոքիմիայի և Ռադիոմի ինստիտուտների շատ հետաքրքիր զեկուցումը նվիրված էր Ուկրաինայի բյուրեղային սուբստրատի գեոքրոնոլոգիական քարտեզին:

Խնչպես այդ ցույց էր տրված Կուկասի, Միջին Ասիայի և Անդորայկալյան ռեգիոնների օրինակներում, առանձին ռեգիոնների գեոքրոնոլոգիական ուսումնասիրությունները այժմ ընթանում են լայն ճակատով և մեծ մանրամասնությամբ:

2). Միաժամանակ սեսիան նշում է, որ գեոքրոնոլոգիական չափումների միջին ճշտությունը որոշ լաբորատորիաներում դեռ պատշաճ բարձրության վրա չէ:

3). Սեսիան նշում է, որ անալիտիկական մեթոդների կատարելագործման հետ միասին շատ լուրջ ուշադրություն պետք է դարձնել քիմիական և միներալոգիական հետազոտությունների ենթակա նյութերի հավաքման վրա:

4). Գեոքրոնոլոգիական լաբորատորիաների հիմնական խնդիրն է՝ առաջիկա 2—3 տարում հասնել կալիում-արգոնային մեթոդներով տարվող որոշումների ճշտության զգալի բարձրացման: Կարևորագույն ուշադրություն պետք է դարձնել որոշումների մեթոդիկայի և նրանց ճշտության ստուգման վրա:

5). Սեսիան անհրաժեշտ է համարում, այդ նպատակով պատրաստել մեծ մասշտաբի երկու էտալոնային նմուշներ և ուղարկել բոլոր գեոքրոնոլոգիական լաբորատորիաներին իրենց աշխատանքները սխտեմատիկաբար ստուգման ենթարկելու համար:

6). Սեսիան նպատակահարմար է գտնում առաջիկա սեսիաները նվիրել մեթոդական հարցերի քննարկմանը:

Սեսիան անհրաժեշտ է համարում՝

ա) 1964—1965 թթ. ձեռնարկել «Ռուսական պլատֆորմայի և նրան շրջապատող լեռնային կառուցվածքների գեոքրոնոլոգիան» ընդհանրացնող աշխատությունը, ներգրավելով ՍՍՌՄ-ի Գիտությունների ակադեմիայի և նրա ֆիլիալների, Միութենական հանրապետությունների Գիտությունների ակադեմիաների, ՍՍՌՄ-ի պետական երկրաբանական կոմիտեյի, Բարձրագույն և մասնագիտական միջնակարգ կրթության մինիստրության երկրաբաններին ու ռադիոլոգներին:

բ) Ի նկատի ունենալով ռադիոգեն տարրերի պահպանման վրա ազդող մետամորֆիզմի պրոցեսների ուսումնասիրության կարևոր նշանակությունը, խնդրել գեոքրոնոլոգիական լաբորատորիաներին կիրառել տարբեր ռադիոլոգիական մեթոդներ զանազան գեոստրուկտուրային զոնաների երկրաբանական օբյեկտների գոյացման և մետամորֆիզմի հասակները որոշելու համար:

գ) Ստեղծել էտալոնային նմուշներ ուրան-կապարային և ռուբիդիում-ստրոնցիումային մեթոդներով 1965—1966 թվերին ստուգողական հետազոտություններ կատարելու համար:

7). Սեսիան ողջունում է ժողովրդական դեմոկրատական երկրներում ծավալվող գեոքրոնոլոգիական հետազոտությունները և սովետական գեոքրոնոլոգիայի ակտիվ աջակցությունը այդ գործում:

8). Սեսիան անհրաժեշտ է գտնում ավելի մանրամասն ուսումնասիրել բացարձակ հասակի որոշման պրոֆ. Ե. Ա. Կուլենցովի մշակած օպտիկական մեթոդի հնարավորությունները և ֆիզիկական հիմունքները:

9). Սեսիան մեծ գոհունակությամբ արձանագրում է Հայկական ՍՍՌ ԳԱ Երկրաբանական գիտությունների ինստիտուտում կատարվող ռադիոներկրաբանական, գեոքրոնոլոգիական հետազոտությունների բարձր գիտական մակարդակը և լայն ծավալը, որոնք իրենց արտացոլումը գտան Հայաստանի գեոքրոնոլոգիայի և մետաղային հանքավայրերի բացարձակ հասակի հետազոտությունների մի շարք հետաքրքիր զեկուցումներում:

10). Սեսիան արտահայտում է իր անկեղծ գոհունակությունը ՀՍՍՌ Գիտությունների ակադեմիային, սեսիայի աշխատանքների լավագույն կազմակերպման և բարյացկամության ու հյուրընկալության այն միջավայրի համար, որով շրջապատված էին սեսիայի բոլոր մասնակիցները:

Հայկական ՍՍՌ ԳԱ Երկրաբանության ինստիտուտ

Հնդունված է 10. XI. 1964